

**Qitornavissartaarneq pillugu inatsimmut aamma angajoqqaat akisussaannerat  
pillugu inatsimmut allannguutit arlallit Kalaallit Nunaannut atuutilernissaannik  
peqquussut**

(Meeqqamut pitsaanerususaaq, najugaqatigiissut ataatsimoorullugu qitornavissartaarnissaannik periarfiissaaq, Ankestyrelsenip maalaartarfiunera il. il. qitornavissartaarnermut tunngasuni aamma toquusoqarnerani angajoqqaatut oqartussaaneq il. il.)

UAGUT MARGRETHEP AAPPAAT, Guutip saammaanneratigut Danmarkip Dronningia, nalunaarpugut:

Qitornavissartaarneq pillugu inatsimmi nr. 494, juunip 12-anni 2009-meersumi § 8, imm. 2,<sup>1</sup> inatsisinilu allani assigiinngitsuni (Akuersinertaqanngitsumik qitornavissartaarneq, apparriittut nalunaarsimasap qitornaanik inunngorneraniit il. il. qitornarsiatut qitornavissartaarnernik) nakorsamit suliaritinnermut, nappaammik suussusersiortaatsimut aamma ilisimatusarnermut il. il. atasumik ikkussivigitinnikkut kinguaassartaarneq pillugu inatsit nr. 602, juunip 18-ianni 2012-imeersumi § 5, imm. 3,<sup>2</sup> meeqqat pillugit inatsit aamma qitornavissartaarneq pillugu inatsit (ikkussivigitinnikkut kinguaassartaarneq pillugu inatsisip atuuffiata annertusinera, kinaassutsimik isertuisumik aamma isertuinngitsumik mannissamik aamma anisuumik ikkussivigitilluni kinguaassaqaalernerimut tunngasumik suliaritinnermut atasumik, ikkussivigitilluni kinguaassaqaalernerimut tunngasumik ataataanermik aalajangersaaneq, apparriittut nalunaarsukkamik apparisap qitornaanik qitornavissartaarneq aamma qitornavissartaarnissaq pillugu suliani il. il. aggetarneq), qitornavissartaarneq pillugu inatsisip, angajoqqaatut akisussaaneq pillugu inatsisip aamma danskisut innuttaaneq pillugu inatsisip allanngortinneqarnissaannik inatsimmi nr. 1525, 27. december 2014-imeersumi § 5,<sup>3</sup> (inooqatigiissut

<sup>1</sup>Aalajangersagaq imatut oqaasertaligaavoq: Kunngip peqqussutaatigut tamakkiisuik ilaannakortumiluunniit Savalimiunut Kalaallit Nunaannullu atortuulersinneqarsinnaavoq allaassutit Savalimmiuni Kalaallit Nunaannilu pissutsit atortitaat”

<sup>2</sup>Aalajangersagaq imatut oqaasertaligaavoq: Inatsit Savalimmiunut Kalaallit Nunaannullu atutingilaaq, kisianni kunngip peqqussutaatigut tamakkiisumik ilaannakortumiluunniit Savalimmiunut Kalaallit Nunaannullu atuutilersinneqarsinnaavoq Savalimmiuni Kalaallit Nunaannilu pissutsit atortussarititaat naapertorlugit.

<sup>3</sup>Aalajangersagaq imatut oqaasertaligaavoq: Inatsimmi §§ 2 aamma 3 kunngip peqqussutaatigut tamakkiisumik ilaannakortumillu atortuulersinneqarsinnaavoq Kalaallit Nunaanni pissutsit atortussarititaat naapertorlugit. Aalajangersagaq imatut oqaasertaligaavoq: ”Inatsit Savalimmiunut aamma Kalaallit Nunaannut atuutissanngilaaq, kisianni kunngip peqqussutaatigut tamakkiisumik ilaannakortumillunniit Savalimmiunut Kawalaallit Nunaannulu atuulersinneqarsinnaavoq allanngutit Savalimmiuni Kalaallit Nunaannilu pissutsit atortussarititaat naapertorlugit.

<sup>4</sup>Aalajangersagaq imatut oqaasertaligaavoq: ” § 1 Savalimmiunut Kalaallit Nunaannulu tamakkiisumik ilaannakortumillunniit atuuttussanngortinneqarsinnaavoq allanngutit ”Savalimmiuni Kalaallit Nunaannilu pissutsit atugassarititaat naapertorlugit.”

<sup>5</sup>Aalajangersagaq imatut oqaasertaligaavoq: ” Inatsit Savalimmiunut Kalaallit Nunaannullu atutingilaaq, kisianni Kunngip peqqutaatigut tamakkiisumik ilaannakortumillunniit atuuttussanngortinneqarsinnaavoq allanngutit Svalimmiuni Kalaallit Nunaannilu pissutsit atugassarititaat naapertorlugit.”

<sup>6</sup>Aalajangersagaq imatut oqaasertaligaavoq: §§ 1-4, 7, 8 aamma 11 kunngip peqqussutaatigut tamakkiisumik ilaannakortumillunniit Kalaallit Nunaannut atuutilersinneqarsinnaavoq Kalaallit Nunaanni pissutsit atugaassarititaat naapertorlugit.”

<sup>7</sup>Aalajangersagaq imatut oqaasertaligaavoq: ” § 1 kunngip peqqussutaatigut Savalimmiunut Kalaallit Nunaannullu atuutilersinneqarsinnaavoq Savalimmiuni Kalaallit Nunaannilu pissutsit atugassarititaat naapertorlugit.”

<sup>8</sup>Aalajangersagaq imatut oqaasertaligaavoq: ” §§ 1-4, 6-12, 17-20, 27 aamma 39 kunngip peqqussutaatigut Kalaallit Nunaanni atuutilersinneqarsinnaapput Kalaallit Nunaanni pissutsit atugassarititaat naapertorlugit.”

ataatsimoorlutik il. il. qitornavissiarthaarsinnaanerat) angajoqqaatut akisussaaneq aamma eqqartuussisarneq pillugu inatsimmi nr. 270, marsip 25-anni 2015-imeersumi § 4, imm. 2,<sup>4</sup> (suleqatigiinnermut akornusersuinnermut il. il. akuersaannginneq, qitornavissiarthaarneq pillugu, angajoqqaatut akisussaaneq pillugu inatsisit aamma innuttaanermi pisinnaatitaaffiit pillugit inatsimmi nr. 1525, decembarip 27-anni 2014-imeersumi § 5, (appaasup qitornavissiarthaataasinnaanera il. il.), angajoqqaatut akisussaaneq pillugu inatsisip allannguutaani aamma eqqartuussiveqarneq pillugu inatsimmi nr. 1740, decembarip 22-anni 2015-meersumi § 3<sup>5</sup> (qitornavissiarthaarnermi il. il. ilusiliineq nutaaq), inatsisini allanngiineq pillugu aamma inooqatigiinnermi kiffartuussissutit pillugit aalajangersakkat assigiinngitsut pillugit ilaqutaariittut pisinnaatitaaffiit iluanni allanngiinnermut maalaarsinnaatitaaneq piginnaatitaanerlu il. il. (Ankestyrelsen maalaartarfittut il. il. atorlugu) pillugit inatsimmi nr. 1741, decembarip 22-anni 2015-meersumi § 14, imm. 3,<sup>6</sup> angajoqqaatut akisussaaneq pillugu inatsimmi nr. 133, februarip 16-ani 2016-imeersumi § 4, imm. 2-tut<sup>7</sup> allannguut aamma inooqatigiinnermi kiffartuussissutit pillugit (Angajoqqaatut oqartussaaneq, angajoqqaatut ataaseq angajoqqaatut allap ajoqusersimappagu toqullugu, angajoqqaatut oqartussaaneermik najugaqatigiissunut il. il. nuutsitsineq) aamma inatsit nr. 1711, 27. december 2018-imeersumi § 44, imm. 4,<sup>8</sup> angajoqqaatut akisussaaneq pillugu inatsimmi, katinnikkut apparilerneq avinnerlu pillugit inatsimmi inatsisinilu assigiinngitsuni allani (Familierehuset pillugu inatsimmi allannguutit aamma angajoqqaatut akisussaaneq pillugu inatsimmi suliani meeqqamik illersuinissap qitiutinnera sakkortusisaq) aalajangersarneqarpoq:

## § 1

Qitornavissiarthaarneq pillugu inatsimmi, Kalaallit Nunaannut atuutilersimasumi tak. peqqussut nr. 410, aprilip 21-anni 2010-meersoq, ima allannguisoqarpoq:

1. § 1, imm. 2, ima allanneqassaaq:

*”Imm. 2. Meeqqamik nunanit allameersumit qitornavissiarthaarnermi akuersissut atulissaaq Kalaallit Nunaannut tikinneraniit. Qitornavissiarthaarnermi sungiussiniarnermi killilimmik sungiusarneq ilaatinneqarpat, taamaattoq akuersissut aatsaat atuutilissaaq sungiusarluni killilimmik piffisaligaanerup naanerani. Naalaaffiup sinnissoqarfiata imm. 2-mi aalajangersagaq sanioqqussinnaavaa, pissutsit immikkut ittut atuuppata.”*

2. § 2 -mi *”iluaqutaasoq” allanngussaaq imatut: ”pitsaanerpaamik.”*

3. § 5, imm. 2-mi ikkunneqassaaq *”katinnikkut apparisap”-p kingorna: ”imaluunniit najugaqatigisap”.*

4. § 5, imm. 2 aamma § 7, imm. 1, pkt. 1-mi imm. 2, pkt. 1-imilu piissaaq *”imaluunniit qitornarsiaq”*

---

5. § 6, imm. 1-imi ikkunneqassaaq "katinnikkut aappaq": "imaluunniit najugaqatitut aappaq" , aamma "katinnikkut aapparisaq" -p kingornagut ikkunneqassaaq: "imaluunniit najugaqatitut aappaq".
6. § 6, imm. 2-mi "katinnikkut aapparisaq"-ip: kingornagut ikkunneqassaaq "imaluunniit najugaqatigiittut aappariit"
7. § 7, imm. 2-mi imm. 2-tut ikkunneqassaaq:  
"Taamatuttaaqaq najugaqataasutut aapparisaq najugaqataasutut aapparisaq allap qitornaa qitornavissiarisinnavaa."
8. § 7, imm. 2, pkt. 1-imi "katinnikkut aapparisaq" kingornagut ikkunneqassaaq "imaluunniit najugaqatitut aapparisaq".
9. § 7, imm. 2, pkt. 2-mi "atorunnaarsitsineq"-p kingornatigut ikkunneqassaaq: "imaluunniit najugaqatitut aappariinneq atorunnaarsitaappat,".
10. § 10, imm. 1-mi imm. 2-tut ikkunneqassaaq:  
"Taammattoq angajoqqaamut pineqartup katinnikkut aappaata imaluunniit najugaqataata qitornavissiarisinnavaa akuersinermut namminneq najuunnissamik piunarsaat atuutinngilaq."
11. § 10, imm. 5 imatut allannikkut oqaasertaligaassaaq:  
"Imm. 5. Social- og indenrigsministerip imaluunniit social- og indenrigsministerip tamatumunga piginnaaniligaata aalajangersinnaavaa, nunami allami oqartussamut imaluunniit suliffeqarfimmut akuersineq naligiissinneqassasoq danskit oqartussaaffiata imaluunniit suliffeqarfiata akuersisimaneranut, aamma taamaalilluni imm. 1-imiit 3-mut malittarisassat sanioqqunnissaannut pisinnaatillugu."
12. § 11, imm. 2-mi "pitsaanerusussaq" allaanngortissaaq imaalillugu: "pitsaanerpaaq".
13. § 18, imm. 2-mi "katinnikkut aappariit imaluunniit aappariissimasut" allanngortissaaq imaalillugu: "katinnikkut aappariit, katinnikkut aappariissimasut, najugaqatigiittut aappariit imaluunniit najugaqatigiittut aappariissimasut".
14. § 20, imm. 1, pkt. 1-imi aamma imm. 5, pkt., 1-imi, § 25, imm. 4, pkt. 1-imi aamma § 35 imm. 1, pkt. 1-imi "social- og indenrigsministeri" allanngortissaaq imaalillugu: "Ankestyrelseni".
15. § 21, imm. 2, pkt. 2-mi "social- og indenrigsministeri imaluunniit taassuma tamatumunga piginnaatitaa" allanngortissaaq imaalillugu: "Ankestyrelseni".
16. § 22, imm. 2, pkt. 2-mi "katinnikkut aappariit" kingornagut ikkunneqassaaq "imaluunniit najugaqatigiittut aappariit".
17. § 27 imatut allannikkut oqaasertaligaavoq:

**”§ 27.** Social- og indenrigsministerip peqqussut manna malillugu suliaqarnermut malittarisassat aalajangersarsinnaavai, taakkununga ilaallutik

- 1) qitornavissartaartussamik akuersissuteqarneq,
- 2) qitornavissartaarnermi suliat ingerlanneri, tassunga ilagitillugit qitornavissartaarnek pillugu qinnuteqaatit imaat il. il.
- 3) qitornavissartaarnermik akuersissummik tunniussineq, tak. §§ 8 aamma 10, aamma
- 4) akuersinertaqanngitsumik qitornavissartaarnermik suliasat ingerlannerat, tak. § 11.”

**18. § 29, imm. 1, pkt, 2 aamma 3.** imatut allannikkut oqaasertaligaavoq:

”Siulitaasoq tassaassaaq eqqartuussisuuneq imaluunniit eqqartuussiviit qullersaanni eqqartuussisoq. Maalaarutiniq suliaqarnermi ilaasortat ikinnerpaamik tallimaassapput, tassunga ilaalluni siulitaasoq imaluunniit ilaasortaq ataaseq inatsisilerituutut soraarummeerluni angusisimasoq.”

**19. § 29, imm.2-mi imm. 2-tut 3-tullu** ikkunneqassaaq:

*”Ilaasortaq ataaseq ivertitaassaaq ukiunut 8-nut. Taamannattaaq atuuppoq sinniissussamut.”*

**20. § 29, imm. 3-mut** ”Qitornavissartaarnek pillugu aalajangiisartut” kingornani ikkunneqassaaq: ”aalajangiinerup kingorna qaammatit arfinillit qaangiutsinnagit”.

**21. § 33, imm. 1-imi** ”katinnikkut aapparisaq”-p kingornagut ikkunneqassaaq: ”imaluunniit najugaqatigittut aappaq”.

**22. § 33, imm. 2-mi aamma § 43, imm. 2-mi** ”Social- og indenrigsministerip” allanngortissaaq imaalillugu: ”Ankestyrelsenip”.

**23. § 35-mi imm.1-imi** kingornagut nutaatut ikkutissaaq:

*”Imm. 2. §§ 11-12 malillugit suliani Naalagaaffiup Sinniisuata suliamik ingerlatsinera Ankestyrelsenimut naammagittaalliuutigineqarsinnaavoq.”*

*Imm. 2 matuma kingorna imm. 3-nngussaaq.*

**24. § 35-p** kingorna una *kapitali 4-mut* ikkutissaaq:

**”35 a.** Ankestyrelsenip sulianik peqqussut manna malillugu suliarinninnera pisassaaq kapitali 9 aamma inatsisitigut isumaannaatsuuneq aamma isumaginninnermi pisortatigut sulineq pillugu inatsimmi §§ 68 aamma 70 malillugit.”

## § 2

Angajoqqaatut akisussaaneq pillugu inatsimmi peqqussut nr. 680, juunip 6-ianni 2016-imeersukkut Kalaallit Nunaannut atuutilersinneqartumi ukua allannguutaassapput:

**1. § 1** atorunnaassaaq, taarsiullugulu ikkunneqassapput:

**”§ 1.** Pissutsini peqqussummi matumani pineqartuni tamani meqqamut pitsaanerusussap isiginiarnera aamma meeqqap inuunerinnissaa illersugaanissaalu salliutinneqassapput.

**§ 1 a.** Meeqqat inuusuttullu 16-it inorlugit ukiullit angajoqqaanit angajoqqaat oqartussaanerup ataani inissisimapput, imaassimangippat taakku katissimasuusut."

**2.** § 4 -mi imm. 2-tut ikkunneqassaaq:

"Eqqartuussiviup aamma Naalagaaffiup sinniisuata pingaartissavaat aalajangikkat kingunerissagaat meqqap inuunerinnissaa aamma meqqap persuttagaanermut allatullunniit meqqamut ajoqutaasumik ulorianartumillu pineqarnermut, tassunga ilagitillugu persuttaanermut isiginnittuunermut, illersornissaa."

**3.** § 7-ip kingorna ikkunneqassaaq:

»**§ 7 a.** Angajoqqaat ataatsimoorlutik meqqamik qitornavissiartaartut ataatsimut angajoqqaatut oqartussaasuupput."

*Imm. 2.* Angajoqqaq kisimiittuulluni meqqamik qitornavissiartaartoq, kisimiilluni angajoqqaatut oqartussaasuvoq, taamaattoq tak. imm. 3.

*Imm. 3.* Angajoqqaat ataatsimoorlutik angajoqqaatut oqartussaasuussapput, aappaata aapparmi qitornaa qitornavissiartaarisimappugu, qitornavissiartaartarneq pillugu inatsimmi, Kalaallit Nunaannut atuutilersimasumi § 7, imm. 1 malillugu."

**4.** § 10 kingornagut ikkunneqassaaq:

"**§ 10 a.** Angajoqqaatut oqartussaasuusut isumaqatigalugit §§ 9 imaluunniit 10 atuutissanngilaq, meqqap inunngunnginnerani isumaqatigiissutigineqarsimaguni, imaluunniit isumaqatigiissut pituttuisuuppat imaluunniit piffissamut killilimmut atuuttussaaguni."

**5.** § 13, imm. 2, pkt. 2-mi ikkunneqassaaq "katissimasutut aappariit"; "imaluunniit najugaqatigiittut aappariit", aamma "katissimasutut aappaq" ikkunneqassaaq: "imaluunniit najugaqatigisatut aappaq".

**6.** § 13-imi imm. 3-tut ikkunneqassaaq:

"*Imm. 3.* imm. 1 aamma 2 atuutissanngillat, meqqap inunngunnginnerani isumaqatigiissutigineqarsimaguni, imaluunniit isumaqatigiissut pituttuisuuppat imaluunniit piffissamut killilimmut atuuttussaaguni."

**7.** § 14, imm. 2 § "§15" allanngussaaq imaalilluni: "§§ 15 aamma 15 a".

**8.** § 15 atuukkunnaassaaq, taarsiullugulu ikkunneqassaaq:

"**15.** Angajoqqaq toqusimappat, toqusoqarneranilu angajoqqaat ataatsimut angajoqqaatut oqartussaasuugunik, angajoqqaq inuusoq kisimi angajoqqaatut oqartussaalisaaq, taamaattoq tak. imm. 2 aamma § 15 a, imm. 1.

*Imm. 2.* Angajoqqaq toqusimappat, toqusoqarneranilu angajoqqaat ataatsimut angajoqqaatut oqartussaasuugunik, toqusoqarneranut tunngatillugu allat angajoqqaatut oqartussaasuunissamik noqqaasinnaapput, meeraq toqusoqarnerani angajoqqaami inuusumi najugaqanngippat. Eqqartuussiviup aalajangersassavaa kina angajoqqaatut oqartussaasuussanersoq.

*Imm. 3.* Angajoqqaq kisimi angajoqqaatut akisussaasuusiq toqusimappat, angajoqqaq inuusooq aamma allat angajoqqaatut akisussaasuunissamik noqqaasinnaapput. Angajoqqaatut akisussaasoqarpat, angajoqqaallu tamarmik toqusimappata, allat aamma angajoqqaatut oqartussaasuunissamik noqqaasinnaapput. Eqqaartuussiviup aalajangersassavaa kikkut angajoqqaatut oqartussaasunngussanersut.

*Imm. 4.* Suliat imm. 2-mut aamma 3-mut tunngasut assinganik § 13, imm. 2, pkt. 3 atuutissaaq.

**§ 15 a.** Angajoqqaap aappaa angajoqqaap aappaanik toqutsisuusimappat, toqusoqarneranilu angajoqqaat angajoqqaatut ataatsimut oqartussaasuullutik, imaluunniit angajoqqaq inuusooq kisimi angajoqqaatut oqartussaasuuppat, eqqaartuussiviup aalajangersassavaa angajoqqaatut oqartussaasuuneq angajoqqaamut inuusumut ingerlaannassanersooq, imaluunniit alla angajoqqaatut oqartussaasuulissanersooq.

*Imm. 2.* Angajoqqaq angajoqqaatut aapparmik toqutsisuusimappat, aamma angajoqqaq toqusoq kisimiilluni angajoqqaatut oqartussaasuusimappat, nalinganik § 15, imm. 3, pkt. 1 aamma 2 atuutissaaq.

*Imm. 3.* Suliat imm. 1-imut tunngasut assinganik § 13, imm. 2, pkt. 3-mi atuutissaaq."

**9.** § 16, imm. 2 atuukkunnaassaaq.

**10.** § 21-p kingornagut qulequttap siornatigut § 22-p siornatigut ikkunneqassaaq:

**"§ 21 a.** Aalajangersakkamik imaluunniit isumaqatigiissutaasumik najugaqatigiittut aappariinneq atuukkunnaassaaq angajoqqaat tamanna isumaqatigiissutigisimappassuk, imaluunniit eqqaartuussiviup imaluunniit social- og indenrigsministerip § 21 imaluunniit § 29, stk. 4 malillugu najugaqatigiinnerup atuukkunnaarnera aalajangersaavigisimappagu."

**11.** § 29, imm. 2-mi "imm. 1"-ip kingornagut ikkutissaaq: "najugaqatigiineq pillugu suliami".

**12.** § 29-mi imm. 2-p kingornagut nutaaq ikkutissaaq:

*"Imm. 3.* imm. 1 malillugu angajoqqaatut oqartussaanermik imaluunniit meeqqap najugaqarnissanik suliami aalajangersaaneq naammassineqassaaq, inaarutaasumik angajoqqaatut akisussaaneermik imaluunniit meeqqap najugaqarnissanik aalajangiisoqarpat, imaluunniit angajoqqaatut oqartussaaneq imaluunniit meeqqap najugaqarnissaa pillugit isumaqatigiissuteqartoqarpat."

Imm. 3 matuma kingorna imm. 4-nngorpoq.

**13.** § 36, imm. 1-imi, "akuerineqassaaq" allangussaaq imaalillugu: "akuerineqarpoq, imaluunniit angajoqqaatut oqartussaaneq § 15, imm. 3, imaluunniit § 15 a, imm. 2 malillugu aalajangersaavigineqarpoq.", aamma "Naalagaaffiup sinniisuata piumasarissavaa" imaalissaaq "piumasarineqassaaq".

**14.** § 42-mi nr. 2-p kingornagut normutut nutaatut ikkutissaaq:

"3) taarsiissutitut peqatigiinneq,"

Nr. 3-6 tamatuma kingorna nr. 4-7-nngussapput.

### § 3

Peqqussut atuutilissaaq 1. April 2021.

### § 4

*Imm. 1.* Suliani social- og indenrigsministerimit qitornavissiartaarnermik inatsisip atuutilernerata kingornatigut suliarineqartut, Kalaallit Nunaannut atuutilersinneqartut, tak. peqqussut nr. 410, apriliip 21-anni 2010-meersoq, tamatumani Ankestyrelseni peqqussutip tamatuma atuutilernerata kingornatigut sulianik tamakkuninga suliaqartuusooq, aamma suliat peqqussutip matuma atuutilernerani suliarinerani naammassineqanngitsut, Ankestyrelsenimit suliarineqartassapput.

*Imm. 2.* Aalajangersakkanik, tassunga ilagitillugit allagaatinik takunnissinnaaneq aamma social- og indenrigsministerimit suliat aalajangikkat ingerlannerini qitornavissiartaartarneq pillugu inatsisip kingorna, aalajangersaanernik, suliareqqiinissamik noqqaassutit, Kalaallit Nunaannut atuutilersinneqartut, tak. peqqussut nr. 410, apriliip 21-anni 2010-meersoq, aamma Ankestyrelsenip peqqussutip tamatuma atuutilernerata kingorna suliani taama ittuni aalajangersaanerini, Ankestyrelsenimut tunniunneqassapput taassumangalu suliarineqarlutik.

*Imm. 3.* Imm. 2 nalinganik atuutilerpoq saaffiginnissutinut allanut suliani imm. 2-mi taaneqartunut.

*Imm. 4.* Suliani qitornavissiartaartarneq pillugu inatsisip kingorna suliani allagaatinik takunnissinnaanermik noqqaassutit, Kalaallit Nunaannut atuutilersinneqartut, tak. peqqussut nr. 410, apriliip 21-anni 2010-meersoq, aamma Ankestyrelsenip peqqussutip taassuma atuutilernerata kingorna sulianik taama ittuni suliarinninneranut, Ankestyrelsenimut tunniunneqassapput taassumangalu suliarineqarlutik.

*Imm. 5.* Qitornavissiartaartarneq pillugu inatsimmi § 6, imm. 1, Kalaallit Nunaannut atuutilersinneqartoq, tak. peqqussut nr. 410, apriliip 21-anni 2010-meersoq, allanngortinneqartoq § 1, nr. 5-ikkut, atuutissanngilaq qitornavissiartaarnissamik qinnuteqartumut najugaqatigiittut aappaqartumut peqqussutip atuutilinnginerani tunniussimasumut peqqussutip atuutilernissaa suliaralugu nammassisimangippat. Qinnuteqaatini taama ittuni maannamut malittarisaq qitornavissiartaarneq pillugu § 6, imm. 1 atuuppoq, Kalaallit Nunaannut atuutilersinneqartoq, tak. peqqussut nr. 410, apriliip 21-anni 2010-meersoq.

*Imm. 6.* Qitornavissiartaartarneq pillugu inatsimmi, tak. peqqussut nr. 410, apriliip 21-anni 2010, §1, nr. 20-mi peqqussummi allannguteqartoq, atuuppoq aalajangersakkat Naalagaaffiup sinniissuata aalajangersagaani peqqussutip atuutilereernerani.

*Imm. 7.* § 2, nr. 11 aamma 12 atuuppoq peqatigiittarneq pillugu aalajangersagaagallartunut peqqussutip atuutilinnginnerani aalajangersarneqarsimasunut. Aalajangersakkat maannamut atuupput angajoqqaatut oqartussaaneq pillugu inatsimmi § 29, imm. 2-mi, Kalaallit Nunaannut peqqussutit nr. 680, juunip 6.-anni 2016-imi.

*Imm. 8.* Taarsiissutitut peqatigiinnerit pillugit aalajangersakkat § 42, nr. 3 malillugu aalajangersarneqartut, angajoqqaatut oqartussaaneq pillugu inatsimmi Kalaallit Nunaannut § 2, nr.

14-itut atuutilersoq aamma attuuppoq aalajangersakkanut aamma peqatiginnissamut isumaqatigiissutinut, peqqussutip atuutiliinginnerani aalajangersarneqarsimasunut. Taarsiissutitut peqatigiinnerit imm. 1-imut ilagittinneqartut, pinngitsaaliissummik naammaassineqarsinnaapput Kalaallit Nunaanni eqqartuussiveqarneq pillugu inatsimmi kapitali 47 malillugu.

Amalienborgimi tunniunneqarpoq, ulloq 9. februar 2021

Kunngisut Atsiorpugut Naqissusiillutalu

MARGRETHE R.

/ Astrid Krag